

贛州府志卷三十

人物志 仕績

唐時虔中鍾越國李光祿崛起以勲猷顯子孫襲其
餘蔭而李氏尤以文學科第清節與曾氏並著於宋
人物已權輿於斯矣李曾當宋南北之會從道學諸
君子往復講習至明而雩都何黃又以王學為支流
別派然皆本忠孝大義推闡宗旨同歸一轍郡人士
各稟性質見仁見智不同大效小效亦異或山林隱
逸以為高尚或閭巷閨門而露性天莫非章貢靈異
之所毓孕也特區分而並志之立人物傳
仕績上

贛州府志

卷三十

仕績

自宰輔以至州牧庶尹仕無大小凡有功於人有益
於所治皆績也九邑之仕進者繁矣小用大用皆有
績可紀茲分上下卷次第成編志仕績

唐 鍾紹京 李邁

宋 劉炳 黃炎 郭峻 李潛 鍾倬

曾逮 曾楸 唐稷 郭杞 李謙

胡希章 劉滄崖

明 劉實 李旭 郭端 黃德溫 袁端

王京 袁慶祥 嚴球 余光 甘士价

謝詔 黃大節 曾汝召 劉思誨 郭咸和

許明佐 宋邦柱

國朝孫麟貴 王思軾 袁鍾季 姚攀龍 胡相良

唐

鍾紹京虔州贛縣人後國隸初爲司農錄事以善書直鳳閣

武后時署諸宮殿明堂及銘九鼎皆其筆也景龍中爲
宮苑總監會討韋氏難紹京帥戶奴丁夫從事平夜拜
中書侍郎叅知機務明日進中書令越國公實封五百
戶賚賜與劉幽求等既當路以賞罰自肆當時惡之因
上疏讓官睿宗用薛稷謀改戶部尚書出爲彭州刺史
元宗即位復拜戶部尚書增實封改太子詹事不爲姚
崇所喜與幽求並以怨望得罪貶果州刺史賜封邑百
戶後坐他事貶懷恩尉悉奪階封再遷温州別駕十五

贛州府志

卷三十

仕績

二

年入朝見帝泣曰陛下忘疇日事邪忍使弃死草莽且
同時立功者今骨已朽而獨臣在陛下不垂憫乎帝惻
然即日授太子右諭德久之遷少詹事年踰八十以官
壽卒紹京嗜書畫如王羲之獻之褚遂良真跡藏家者
至數十百卷建中中追贈太子太傅新唐書

按舊志紹京字可大魏太傅繇十五世孫工書法號
小鍾韋庶人之難臨淄王隆基陰與紹京泊故朝邑
尉劉幽求衛尉卿薛崇暎利仁府折衝麻嗣宗等定
策討之日晡臨淄王微服與幽求等入苑中會紹京
廨舍逮夜天星散落如雪幽求曰天意若此時不可
失於是萬騎果毅葛福順李仙鳧屯元武門斬左羽

林將軍韋播中郎將高嵩以狗臨淄王遂與幽求等
出苑南門紹京帥戶奴丁夫二百餘人從斧闕而入
帥總監及羽林兵至太極殿斬韋后分捕支黨盡誅
之又云紹京卒三子嘉璧晉州長史嘉堦太子典膳
郎山陰縣公嘉瑋左領軍衛長史德宗建中初錄武
德以來宰相功臣勲名特高者差爲二等追贈紹京
太子太傅宣宗大中初畫像繪圖凌烟閣將相功臣
一等八十五人二等一百五十人紹京與焉

李邁字彥超贛縣人咸通癸未進士性正直會以宦官爲
館驛使臺諫爭之不從即抱憤南旋後從安南節度高
駢討平李涿餘黨賜金紫晉秩光祿大夫乾符中詔從

贛州府志

卷三十

仕績

三

招討使曾元楷追斬王仙芝拜兵部尚書乞致仕歸宋
進士渾潛皆其六世孫

謝志

宋

劉炳字韜仲贛縣人父揆力學積書以教二子炳登慶歷
六年進士弟景繼登皇祐元年進士俱爲郎唐介貶英
州朝士以餞贈爲諱炳兄弟與梅堯臣李師中賦詩以
贈得罪免官景子敏材爲廣東提點刑獄亦以廉稱

謝志

黃炎字晦之雩都人博學能文十二歲詠日以況志弱寇
登嘉佑甲科試雁門令因新法坐罪罷與孔文仲孫介
夫曾鞏友善嘗著安邦論未竟有旨差充四川廉訪使

復朝散郎通判潮州

謝志

郭峻字次山雩都人年十八試禮部熙寧三年始策進士
得末科調南豐尉時夏侯偁爲令訟盈庭未決會提刑
毛杭至偁懼峻呼囚數十至庭下爲一一剖斷無遺皆
伏偁起謝曰君神明天授龐士元之流也杭與建昌軍
張子方薦於朝授秘書省校書郎令崇仁民喜相告曰
此南豐郭尉也轉著作郎知南城時江南最苦鹽法苛
急峻從容調劑民深德之知洪州元積中提刑曾杭司
門郎中葉克江淮制置使蔣之奇交薦之元豐中僉樞
密院事卒於官孫仁叔以行誼聞

謝志

李潛字君行興國人治平丁未進士調洪州司理遷太常
博士定皇太妃儀制執父喪足不入私室起復知蘄州

贛州府志

卷三十

仕績

四

初如京留泗上其子弟請先往至京師欲貫開封戶籍
潛曰欲求事君而先欺君可乎寧遲緩數年不可行也
嘗知新淦時鹽法方行望風旨者多峻急民間破產十
居六七潛獨下令從民便或曰無以身試法未幾亦隨
罷歷官開封尹司空中書令卒贈開府儀同三司諡文
簡三子朴格楫相繼登進士弟渾暨渾子存皆有時望

參宋史
李子小學
傳

鍾佃字少游改字公緒龍南人越國公紹京之後六世祖
自興國遷邑象塘家焉佃八歲能屬文弱冠登元豐壬
戌進士補韶州司理叅軍任滿轉瀛州防禦推官復知
潯州建學造士遠方之士日至經畧使熊伯通以國士

遇之憂歸服除補蘇州改知廣州軍節度推官尋知陽山考課爲天下第一號爲霹靂手自廣移節成都陞辭時安化蠻叛以佺諳練邊事除廣西計度轉運使乘傳之官與軍帥籌畫奏罷滇州及延德軍未幾蠻解圍來降進龍圖閣學士兼本路安撫管勾經畧使以疾革恩致仕佺天性篤孝父沒擗踊哀慟有羣鳥集墓助之哀鳴人遂名其堂爲感烏博學廣記貫通經史天文地理陰陽小說皆探索其妙有文集十五卷奏議三卷充俊柔恕皆其裔孫忠孝文行光於累世謝志

曾逸字仲躬幾仲子爲上饒尉手植桂於廳事解任後人懷其德標曰西清桂又有松風亭橫碧軒皆其遺跡也

贛州府志

卷三十

仕績

五

後歷官戶部侍郎敷文閣待制有習菴集十二卷子桌仕爲總卿謝志

曾楸字叔夏贛縣人準仲子元符三年進士紹興中知福州拒僞楚命表高宗勸進扈從隆祐孟太后至虔軍民囂亂賴以撫定累官吏部尚書著有內外制東宮日記子廸造造乾道間知潮州廸子集自有傳謝志

唐稷字堯弼會昌人政和二年進士授宜黃丞歷知監利縣縣瀕江築堤捍水民饗其利會廉訪使議增茶課稷力爭之被核去宣和五年起授湖州司士叅軍兼管左右獄平反多人秩滿歸建炎三年冬隆祐太后辛贛召赴從衛以定亂功調吉州軍判官未赴太守韓昭問辟

宰龍南坐通守媒孽去官稷訴於朝改南外宗正司教官十五年除樞密編修力求外補得荆湖南路安撫司主管機宜文字後主管台州崇道觀隆興元年卒稷嘗詣行在獻十四策再上萬言書皆切於時先是稷祖過雩都竒硯岡山水結廬其間稷嘗居之謝志

郭杞字堯章雩都人峻曾孫隆興癸未進士爲翁源令縣闕尉杞代事寇犯境以書生易之杞笑曰書生不能殺賊耶即挺劍躍馬督兵迎戰生擒其渠帥而還提刑楊萬里奏薦改承事郎賜章服知南康縣有丞金大寶貪墨杞首發其奸後僉判陝州轉承議郎主管西外睦宗院卒家無餘資謝志

李謙字和卿朴從孫淳熙間舉進士爲安福縣尉嘗獲盜不願酬賞班次累官太常寺丞提舉浙東值歲饑賑濟有方遷司郎中再遷左司諫光寧間上封事義氣激烈呂祖謙以直節被竄謙贈以詩困忤韓侂胄罷歸築圃雲峯以居自號白雲居士謝志

胡希章興國人嘉泰壬戌進士授起居舍人景定甲子上疏言天變請黜賈似道謫荆門令後以葉夢鼎薦守建康沿江置副使賑饑修學選將練兵以恢復中原爲己任咸淳庚午疏請兵援襄陽不許以疾致仕興國志

劉滄崖會昌人寶祐丙辰進士官翰林學士性嚴毅剛直首以進君子退小人爲言疏上理宗嘉納之疾賈似道

專政欲謝去適以內艱歸元代宋當國者以前朝耆舊
交薦於朝終弗起

會昌志

明

劉實字有信信豐人早孤母李氏訓使游學博通典籍建
文元年己卯領鄉舉辛巳二月歷政刑部永樂初改命
吏部簡拔殊才擢廣東道監察御史錄大辟囚數十經
其讞決者自以爲不寃守母憂起復改山東道出按陝
西時甘肅行太僕寺馬政照刷多弊按察以聞上謂實
嚴明并以屬之當遣恤刑官分行天下陝西勅書獨遣
齋付實又奉詔考察諸僚條稱職者平涼守何士英等
八十二人不稱職者慶陽守劉愷以下二十八人疏上

贛州府志

卷三十

仕績

七

黜陟一如其言上英明奏事者多震恐失措實風采凝
峻同官多推讓焉一日事當奏偶依違被劾下獄獄中
復上疏謫戍遼海卒後經赦家屬奉柩歸於信

信豐縣志增

李旭字彥昇贛縣人倜儻有才畧永樂二年貢入太學時
值清查賦役黃冊命都察院考選國子生三百人首推
旭有幹才總其事以慎勤稱旨五年除權監察御史出
按福建舉廉黜貪一路清肅踰年扈從巡狩北京糾彈
不避權貴讞疑獄數有平反貴州新設省一切創始事
宜特遣勘覈已又遣督造臨清倉廩具有成績上嘉其
能歷陞湖廣按察使晉布政使宣德初佐少宰黃宗載
採木調停轉運民力稍紓九年楚大饑賑濟多所全活

正統元年請老旭歷任四朝廉仁如一日

謝志

郭端字季正雩都人永樂乙酉以貢入太學授行人壬辰選御史巡按廣東時鎮守大璫雷春恣睢殺人總兵尚書以下皆俯首唯命端列狀劾之竟置於法靖江輔國將軍陰謀不法端以其事聞遂伏辜時雲南鹽法不清乃馳召端協同太監某給事張縉巡核滇南鹽政既至剔清宿弊措施井井有條貫事畢還朝適有假御史蔣得中迭擾閩廣湖湘間嚴旨緝之不獲端捕得之於延平賜鈔賞勞時安南初定欲簡才臣監軍并巡視兩廣交趾地方特旨簡端賜璽書統三軍三司羣僚皆聽考核由是遍歷兩廣巡視交趾折豪強雪冤獄釋管福亮

贛州府志

卷三十

仕績

八

陳道謙熊朝政於樂平辨陳勉李旭之無罪所至墨口債帥莫不聞風膽落宣宗即位改交趾僉憲丁未遣工部尚書羅汝敬齎詔冊封陳嵩爲安南王端預出境迎使先期三日而後至汝敬以迎詔後期上狀逮繫九年宥復原官未幾卒

參雩都志

黃德溫字伯理信豐人正統戊辰進士初選考功主事英宗北狩時有內侍黨王振者旁叱言官於監國前德溫奮起批殺之血漉朝衣太宰王直呼爲一代豪傑起復補兵部武選司抗疏劾武臣怙勢求遷者出判鎮江府掌馬政鎮有牧地數百畝爲豪右所嚙德溫按之豪魄金百鎰拒弗受竟復其地疾革舉家禮授子震曰以此

治吾喪母崇佛事壞家法家藏有慎菴集 謝志

袁端字自中雩都人景泰庚午鄉舉歷程鄉永典教諭奉
勘合撰修彬州實錄寓京師上書條陳十事憲宗嘉納
之侍郎何喬新謂置之座右可資聖德爲順慶府教授
秩滿當遷以養母告歸居喪毀瘠踰禮 謝志

王京字宗周信豐人成化己丑進士授刑部主事癸巳山
東饑奉命往賑陞員外郎讞獄南畿河南有妖言獄久
未決司寇奏委能者京往不兩月盡得其情由郎中出
守瓊州時瓊人以訟逮繫者數百人京日召囚至庭諭
以理而示以法囹圄遂空瓊父老喜相謂曰吾儕何幸
今日復覩伯貞公耶伯貞名泰永樂中守瓊有惠政故
贛州府志 仕績

卷三十

仕績

九

以相方云丁憂起補舊郡生黎願爲編戶如熟黎者十
餘峒疾卒瓊人專祠祀之 謝志

袁慶祥字德徵端子成化戊子鄉舉入太學歷事內府上
書陳五事曰省國費嚴選舉修武備存公道起民望疏
入逮杖幾死發回本監肄業祭酒周洪謨耿裕邱濬共
書一葵貫日旌之戊午登進士知潛山縣潛山人曰是
嘗庭論刑部尚書董芳者也咸相戒不敢爲不法事時
流寓妖僧演術惑衆慶祥緝獲斃之中官馬某道經潛
山慶祥不爲禮從者鞭笞胥役怒及長官中官笑曰此
縣官乃往日打不死袁秀才也斂威而去有姑婦寒夜
績婦煖酒爲姑禦寒姑曰酒清甚似袁縣官事傳京師

南撫王恕特薦陞北刑部主事時有近幸坐法方畏推
勘慶祥毅然成其獄大司寇何喬新侍郎彭韶驚服之
廣西幽獄柴岳案終年未定一訊決之卒甦岳等而加
誣主罪何喬新特疏旌異命總讞十三司刑獄事在部
四年奏最進階承德郎會兩廣寇亂廷議推陞廣潮南
韶兵備僉事時後山賊酋林大滿劫殺官兵爲地方患
慶祥至申明賞罰訓練士卒一戰討平之明年斬增城
賊吳永通等八百餘級撫散脅從五千餘人潮陽童廣
英僭稱亞王哨衆數千及羊舌石等俱次第撲滅高州
大桂山賊衆踞險跳梁慶祥易服潛行察其鄉導伏精
卒一鼓破之幕官堵全素所親任偶矯制立斬轅門又

慮後山白水爲賊舊巢要徑乃調議從化馬場增城河
源等處撥置規畫招集流移題建龍門新寧二縣扼其
喉吭以望推進表庭論平寇開疆之績賜織金文綺宴
光祿寺以親老乞休正德初追叙前勲晉階朝列大夫
年八十一卒

雩都志

羅洪先曰予嘗過雩耳袁公事甚悉因歎浩然之氣
上爲日星下爲河嶽貫萬古而不朽者也昔人慷慨
一時湮沒後世氣餒故耳公初以孝廉扶持國是逆
鱗抗疏幾殞身而弗恤繼秉節鉞清海宇肅嵐煙開
闢疆土紓天子南顧憂急流勇退解組養親剛介之
志金石不渝風節所垂百世具瞻眞盛世君子也

嚴錄字文器雩都人鶚裔孫宏治己酉鄉舉授杭州府推官辨冤獄清鹽弊三載考績囊篋蕭然時中貴專政多以賄得美官或勸稱貸以行球曰有貸必償常俸幾何非取諸民不能辦與其損民而利吾官盍去官以無損吾民當道交薦轉太僕寺丞奏減山東馬匹芻牧之困稍蘇陞平樂知府謝病歸卒於家

參謝志

余光字緝之贛縣人嘉靖壬午鄉舉知涪州居官廉明不畏強禦豪右陵鑱細民者必繩以法採木之役事集而民無重累以憂歸補廣安州舟過涪涪人率婦子逆於河潯爭相饋食治廣安如涪陞南寧府同知土官承襲分例盡卻之會討安南大司馬毛伯溫爲帥召入幕府

贛州府志

卷三十

仕績

十一

計事多採用其策已而安南降奪國號貶爲都統司功狀上擢南京刑部員外郎謝志

甘士价字維藩信豐人萬歷丁丑進士令黟縣以廉能調丹陽擢山東道御史時臺諫務名以糾劾閣臣爲賢士价曰朝宁間不以國計民生爲務而日事爭訐善類相攻儉人得乘其隙政柄必爲之移東漢甘陵唐白馬之禍不遠矣乃上和衷一疏中外聽之巡視山海居庸紫荆等關飭武勵兵修築墩臺補植樹木編發抽塚及召募宿弊一清更閱薊密永昌保定等處時兩關欵塞之後邊釁未啓久詔停免臺臣閱視之役茲特勅復行之士价一一親履其地一切險阻增設兵馬補添器械整

造監發修舉蕃馬收買積年冒濫俱爲釐正京盤錢糧
勘覈工程未奏報者并入奏報己丑秋按楚楚饑設法
賑之辛卯按吳以鉏擊豪強名尋掌河南道印司大察
會大理右丞缺御史陳雲登應內降以予士价豕宰孫
後爭之遂并停授而上心重士价旋擢大理左少卿己
亥以右僉都御史撫鳳陽丁內艱歸起撫兩浙濬南湖
灌田以萬計戊申浙大水士价疏留漕糧若干萬石貯
發武林常平賑之更引宋紹興故事請發內帑又乞緩
織造以甦民困建虎林書院與生徒講學其中每開講
必舉大學中庸之旨疏解條暢其初登鄉舉時制藝用
學庸序語或誚之曰君學號淵博乃熟讀學庸序邪士

价應曰昔范希文教張子厚讀中庸予生平所學正在
此甲戌聞以用中庸序語見黜丁丑仍用之得第蓋學
術原本若此戊申以大理寺召未及代而卒浙人立專
祠祀之

謝詔字彥實號鳳渚贛縣人幼稱神童登萬歷甲戌進士
知潁州潁俗刁悍多盜詔至廉得衙蠹市豪爲民害者
鉗鈇之於市甚者撲殺之皆屏息莫敢恣一日方聽事
忽心動飭嚴獄禁果有重囚謀逸者有榜於通衢某日
焚庫刼官閭井震驚詔恬然方命駕適壽春壽春兵使
促之歸不應竟無事歷刑部郎分巡四川監軍討松潘
番亂番連北寇聚黃沙壩勢張甚未旬日擒其渠魁城

黃沙扼其要以二親歸養起叅政山西不赴播酋楊應龍叛復徵爲監軍兼程至蜀時蜀楚黔三省進兵分八道詔所監永寧合江二路先是僉憲四川時宣府奢效忠有二妾曰安氏祿氏效忠死安子世續宜襲祿與部目謀奪之相仇殺且作亂詔往定之却其饋金是役也世續率所部隸軍奢與播接壤諳酋情形爲進方畧降五萬人抵崖門闕斬其梟將郭通緒酋奔上囤更斬鹿罕父子奪三圓山據營下瞰酋囤酋帥舒自清來降即以爲鄉導直搗海龍囤酋縊獲其屍及妻子當是時土司隨征者安世續功最有齷其績者抑之詔不欲受賞連章乞休屢起湖廣四川左轄及巡撫順天皆不赴生

平不飾妾媵恭人蔡氏卒三十年不復娶潁州四川諸番皆繪像祠之所著有虔臺志贛郡志卒諡桓愨

叅張志

張尚瑗曰觀郭青螺平播始末六監軍之受賑於廟運籌於幄暨乎奏凱論功其趣一也然而楊寅秋則有烏江關落濠關之捷張存意則有青岡囤之捷胡桂芳魏養蒙則有乾谿之捷形諸奏牘四公蓋監貴州湖廣軍者獨監川軍之謝張二公無聞焉谷霖蒼紀事本末吳廣入崖門闕應龍佯死田氏約降輕信其詐按兵不動吳廣者永寧路之帥也川路之兵功固稍殺豈所謂安世續遭讒受抑簡冊相傳莫有爲之表暴者耶龍驤安豐千古爲歎以俟諸尚論之君

子矣愚所撰傳本漢陽周冢宰墓誌潁川張司馬神道碑皆謝氏一家之言也谷紀又以監軍爲史旌賢并不及鳳渚珥筆未核蠙衣生身任督軍當以其書爲準

黃大節字斯立信豐人萬歷丙辰進士授太常博士神宗朝儲位久虛大節上疏言頃者奉聖旨俱不必封少俟二三年中宮無出再行冊立夫寢並封則三皇子之名號不至混而無別俟至二三年則冊立之典又非杳然無期然而在廷之臣紛紛籍籍焦心蒿目者謂皇長子有生之日業已祭告郊廟覃恩兆庶儼然以主鬯居之不當一旦抑在王位苟儲宮定矣則呈第三子五子即

從冊立之吉同日而封可也別日卜吉而封可也以首重在建儲而分封可次第舉也今但寢並封而皇儲未定是始假封王以陰奪元子之尊而終藉寢封以陽塞言者之路恐諸臣所以議不宜封之意不如是也又謂我朝家法原無待嫡之規蓋所重在早定國本以計安宗社不容一日少緩何嘗姑待之而限以年也宜自今酌所輕重遂行冊立由此而中宮無出任之中宮間一有出亦任之以皇后母天下元子即其子而嫡庶非所論也今仍主待嫡而特以俟至二三年爲言則二三年之後中宮孕育猶未愆期皇上既可突生待嫡之說以改前詔於今獨不可堅持此說以改今詔於後詔復一

詔年復一年是皇上終無必信之旨儲宮終無必立之時恐諸臣所以請法祖而急冊立之意不如是也矧中宮素篤鳴鳩之風朝野久戴前星之麗爰舉大典以安主器此信今日之首務萬無足疑者割帷房之牽制屏羣小之讒邪勿以私昵戕天性勿以小隙開大釁防微杜漸思遠慮深是又在皇上之早自悟耳疏上舉朝震懾未幾以禮部出爲浙江副使庚子憂歸起湖廣不赴邑宰至任一謁外不復交接當道有爲其門下與同門者僅一函問答而已邑令丁祭委衙官代移書切責之其嚴毅不回皆此類年七十一終

信豐志

會汝召號棠芾龍南人萬歷辛丑進士授吳縣知縣陞禮

贛州府志

卷三十

仕績

十五

部主事選刑科給事中上疏請禁左道以白蓮無爲等教跨郡連州風行草偃崇自官聞風紀重臣若汪可愛等修齋念佛愚惑黔首畿輔之地轉相倣倣爲憂滋大頃紅封教盛宮門遂有張差留畿自尚書孫鑛定亂之後復有武悟空等臣誠杞憂竊見禁城之內兇盜時逞都門內外剽掠公行萬一有心計者潛裏譁外震於呼吸訛於風影丁騷輦轂上震宮廷有不忍言者宜先爲戒衆躡其言汝召後宮至太常寺少卿

劉思誨字忠甫贛縣人萬歷丁未進士授臨淮知縣臨淮故水鄉柳溝勢洿下水溢壞民田民困於輸賦思誨築南岡柳堤防之涸出荒田若干頃皆可耕遂詳請熟田

折半徵收而以荒田所入補其額民又困於增設陵監
紙劄護漕諸費思誨爲通融法取公費給之濠梁紅心
二驛專責臨淮思誨覈商羨以足馬值糶倉儲滋息以
餽驛卒任六載紀治行天下第一擢湖廣監察御史未
赴尋補山東道遷大理寺左丞在臺中多所匡直有固
守正法等疏時魏忠賢竊政思誨疏謂中旨頻宣非所
以安元輔請以票擬屬閣臣鄒元標以廷杖幾死筋骨
拘攣不宜責以拜跪楊漣奏忠賢二十四罪奉旨切責
思誨過相慰勞忠賢深嫉之竟以前疏故用闔事中之
調外任遂棄官歸參續志

郭咸和字尚大贛縣人少有才名與兄咸雍咸熙咸治稱

贛州府志

卷三十

仕績

十六

四咸萬歷戊子鄉舉令海豐海豐巖徼多盜咸和強力
嚴明捕得盜魁二人伏於庭咸和曰若能使徒黨歸投
當貰盜許諾即縱之去翼日復來述其黨內嚮無異志
咸和單騎入賊巢諭撫之邑士大夫皆爲令危而羣賊
已襁負扶攜望馬首羅拜稱死臯乃令各陳所業立編
冊以區置之有目陳欲爲儒者設義學課之書有葉氏
子逢春糊名試藝竟冠童子軍隨補諸生咸和陞廣東
通守罷歸而歿逢春鄉舉於廣官贛州司馬上事之日
即請郭氏廬請咸和遺像拜而祭之經理瑩域海豐立

專祠 新增

許明佐字向日龍南人由明經學正崇正二年爲四川遵

義府同知攝重慶及合州篆時土司三十六招討使叛
明佐以府銜鈐守督女官秦良玉等統軍深入大象嶺
六年首惡楊廩伏誅諸洞請降後補揚州同知楊嗣昌
督師五省追錄明佐四川勘亂之功以淮守晉階兵備
移病歸始龍南城郭湫庫遇寇多警明佐拓其南隅自
上東門至上西門增廣三之一不費公帑而崇墉屹如
桃渚二水會於城北渥水力微爲桃水吞溢歲嘗齧城
明佐築堤數里禦之崇正十六年楊細徠聚黨據下歷
堡與邑令楊清協謀誅討出處二十年桑梓多蒙其福
年□□有四

宋邦柱字直甫雩都人萬歷乙卯歲貢少從李涑遊講求

贛州府志

卷三十

仕績

十七

古人之學四中副榜不遇後授涿州州判時東事搶攘
羽檄交馳邦柱應以謹敏事至立辦公庭無留牘御史
左光斗議開京東屯田屬邦柱任之捐俸闢田數百頃
爲諸屬嚆矢大府交薦有清操一塵不染長才肆應咸
周之語尋攝房山篆大璫與成國構訟株連無辜者多
人邦柱不設左右袒爲持平釋論死者三人後以艱去
服闋補深州遷興濟縣知縣卒於官

參雩都志及墓志

國朝

孫麟貴字廣成贛縣人父經世同弟緯世紘世俱殉丙戌
之難麟貴甫數齡爲副戎楊繼所得愛其聰慧子之遂
博通文籍每談論古今若懸河瀉水由諸生中庚子副

貢直指使筮重光重其才以小友呼之年將艾始舉於鄉爲清江學諭陞陝西崇信知縣會征噶爾旦以解馬功

賜蟒服西涼地寒苦疲於供億在官清勤愛民雖彼盈此絀不爲一切苛累後引年歸續修贛郡志卒年八十

王思軾字坡僊一字小坡父鼎相以孝行著別有傳思軾甫四歲童心神悟書過目不忘登康熙壬戌進士授翰林院檢討丁卯典試順天所拔多知名士歷陞侍講侍讀學士壬午主試山東特疏奏請闕官卷以廣民額晉通政使司轉內閣學士陞禮部侍郎奉命按浙省科場弊竇復徃勞西征將士皆副委任爲人謙冲和厚不見

贛州府志

卷三十

仕績

十八

圭角立朝數十年清慎自持每班行議事不以辨論爲能有不可不爲隱忍附會當時鉅公皆服其度年七十

乞休歸

興叅國通志

袁鍾秀字耘崑信豐人乾隆元年進士知四川鄰水縣邑華銀山有奸民盜取硫磺獲之因請設卡撥兵移豐和通判駐轄彈壓從之後邑境復獲麻龍怪僧值匪犯劉竒事亦覺申報檄未下而僧死於獄乃釘其手足於棺瘞之旣而大府以兵至趣令具狀及啓棺屍猶未腐釘迹甚固始知僧能屍遁死乃幻也遂寸磔其屍而去以功議敘因疾辭歸二十四年仍令鄰水捐俸修鄰山書院清出無主僧田百餘畝以贍廩餼邑人遂名表公書

院紀其事於石

姚攀龍號見亭贛縣人由附貢授瑞州府學訓導歷任祁門博羅知縣廉州南寧同知所至皆強幹有為署知泗城府兼攝西隆州事時泗城改土歸流新疆多瘴癘攀龍不避巖險殫心化導又裁革驛站夫役苛累寡婦劉氏有獨子李亞保無辜禁囹圄十餘年虛衷鞠實釋之年六十休致歸新增

胡相良字純一贛縣人乾隆丁丑進士父定湛諸生有質行相良知安東地處黃河入海尾閭民苦積澇丁亥春淫雨彌月播種無日援例借給籽種格不得行固請乃從之邑有書院以澇故廢弛百餘年相良獨倡紳士修復置產資諸生膏火平反孀婦被姪佔產之獄後罷歸清風兩袖而已新增

贛州府志

卷三十

仕績

十九

寧都三州縣附

宋 孫立節 劉鵬 孫騫

元 孫伯顏

明 陳勉 董越 丁積 胡易 董天錫

盧達 邱一鵬 楊以傑 謝元賀 謝于教

謝子詔 曾大器 溫國奇 陳師仲 曾就義

曾應遴

宋

孫立節字介夫寧都人師李觀與曾鞏友善登皇祐五年

進士王安石行新法立條例司蘇轍爲司屬官議不合引去安石與立節曰條例司須得明敏如子者爲之立節笑曰當求勝我者若我輩人亦不肯爲條例司矣安石默然後爲鎮江軍書記監司曰是抗丞相不肯爲條例司者也移桂州節度判官宜州守王竒與蠻戰死被旨鞠行間吏士有罪者經制使謝麟收十二人付立節欲置重辟立節持不可曰逗撓不進諸將罪也既伏其辜矣餘人可盡戮乎麟奏立節拒抗立節亦奏麟侵獄事刑部竟如立節議十二人得不死

謝志

劉鵬字時舉瑞金人元豐二年進士知華亭縣修明學校教化大行擢監察御史時朝廷欲相蔡京連章論詆不

贛州府志

卷三十

仕績

二十

報京既相首復王氏學籍元祐黨人鵬爭之益力出知廣德軍尋拜諫議大夫鵬以言既不用不宜居官固辭出知壽春遂家焉

按文獻通考載鵬著有縣務綱目廿卷凡四十四門四百七十餘事其說不止於作縣而事關縣務者爲

多

謝志

孫騶字志康立節子元祐三年第進士授奉寧軍節度推官時張幾仲爲帥選幕府請行者不一幾仲曰得不面諛能規吾過如孫志康者可遂辟之騶在幕八年幾仲甚敬任之幾仲移冀州又與之俱歷鄆州學教授改宣德郎知舒州大和縣累遷至朝散郎賜五品服除知岳

川時湖北新開邊調發他郡文檄旁午公私惴恐騶呼里中豪右議出檄於懷授之曰吾不以付吏不汝追逮特寬爲期期而不至者罰當倍衆許諾千里之間軍需告辦岳陽樓先經火災騶出朝所賜度牒若干與虞人所獻山林巨植鳩工庀材鼎新之不踰期壯峙如昔後請祠提點崇福宮歸於陳遂家焉

蘇過撰墓志

元

孫伯顏字元晉宋桂州節度判官立節九世孫也年十五遊上京讀蒙古國書而好之遂精於譯語大歷初辟監修國史院譯史改辟大司農譯史順帝至元四年授京畿運糧同提舉舊法運舟五歲一易伯顏請爲十歲以

贛州府志

卷三十

仕績

二十一

紓民力至正三年提舉廣東市舶琛貝山積不以自污部使者及帥臣交章薦其材任守牧擢肇慶路總管兼勸農事戢黠胥悍卒之舞法病民及科取追呼之煩擾興學校舉遺佚多做古法以爲治民間食鹽歲價十五萬緡率先期輸官伯顏至先給鹽而後責其價攝廣東分關所控制兩路三州鎮之以靜

張尚瑗論畧曰寧都孫氏出鄂州端州二牧墓誌信而有徵蘇斜川之文世方寶貴不可多購於此覩其鴻筆琅琅真眉山小許若元晉總管之銘之撰於錢文肅者官闕時事一一與元史符合亟爲採撰以補舊志之闕誠快事也元晉以譯史起家伯顏之名亦

從國俗而別著其氏於下考元史巉巉康姓迺賢馬
姓而列傳不標於其名之首亦是體也夫

明

陳勉字希進寧都人永樂丙戌進士授廣東道御史彈劾
不避權貴讞獄多平反清賦浙江尋命巡按有平倭功
寧波衛軍盜糧連坐者五百餘人疏請寬釋陞廣東按
察副使召入爲左副都御史扈從天壽山宣宗欲出畋
密雲勉上疏諫止及親征漢庶人留守京城勉與尚書
蹇義等增定賞格并給帳房布疋軍士大悅上以勉知
兵改勅從駕凱旋賜賚甚厚嘗督蘇松常鎮等府漕運
洛口提督軍務防邊宣德癸丑命征會昌長河洞至則

贛州府志

卷三十

仕績

二十二

諭以恩威賊首朱南鄭就撫議置守禦及巡司民獲安
堵國初罪人械送京師或至逋逃追捕累歲不已乃議
贖緩脩賑至今用其例改南京大理卿景泰元年陞左
都御史掌院事居二年乞休令有司歲給夫米卒賜葬

祭謝志

董越字尚矩寧都人幼孤天順己卯舉於鄉試禮部不利
卒業國子監成化己丑進士及第爲編修九載考最進
侍讀直東宮講讀充經筵講官孝宗登極以右庶子頒
朔朝鮮賜麒麟服以行餽贈無所受作賦以紀國俗多
所題咏國人鋟傳之後貢使至猶問其起居辛亥修憲
宗實錄成擢太常寺少卿兼侍讀學士每進講敷奏明

暢義歸於正上爲注聽癸丑擢南京禮部右侍郎越博涉古典習聞本朝故事大夫士議禮者多取決焉三年考績京師拜南京工部尚書越有先世田業舉以讓其兄睦族黨卹貧交年七十二卒贈太子少保諡文僖

按越幼時讀書鄉塾夜歸迷失有二燈炯炯前導至

家吼而去乃虎也

分省人考

丁積字彥誠寧都人成化戊戌進士知新會縣縣有陳獻章積至以師禮事之爲政以風化爲本申明洪武禮制叅以朱子四禮儀彙爲書鄉三老主之月朔進於庭優禮其能者嚴賭博竊盜之禁榜門示耻良家子游惰不作業者聚廡下使日誦小學親爲講解春秋祀事肅然

贛州府志

卷三十

仕績

二十三

如神陟降以俗信鬼巫痛毀淫祠吳村里有烈婦莊氏象山有烈女蕭氏墓俱無主割廢廟田六十餘畝命邑人主其祭中貴弟梁長責民償逋過例收而火其券豪猾屏息先是民苦賦外月供錢卽單丁小戶歲亦不下五六千積論丁均派令歲輸畢卽歸無復事事壬寅大旱積禱於圭峯絕頂昕夕伏壇下跪烈日中風飄爐火着衣不爲動須臾大雨因得疾卒立祠祀之

謝志

胡易字光貞寧都人登宏治庚戌進士觀政吏部冢宰王恕深器之初授禮科給事中陞吏戶二科左右給事中監御庫疏論內監賀彬罪狀彬飾辨有旨俱下獄後按奏多實竟出易而不直彬星變上修德弭災疏語極切

直封駁糾正風采凜然奔母喪哀毀卒於途

謝志

董天錫字壽甫越仲子宏治丙辰進士由郎中出守青州
值青大蝗寬賦發賑悉從便宜民幸安戢遷山東都轉
運使內艱起復補兩浙剛廉自勵嘗阻巨璫私販權貴
不能撼遷四川叅政計平芒部功寢不聞轉右轄政三
年遷貴州左轄引疾歸進秩大理卿致仕嘉靖己亥薦
起以九廟災自陳得允家居左圖右史談國朝典章政
事聽者忘倦

謝志

盧達字漸父寧都人萬歷丁丑進士授中書舍人遷吏科
右給事中己丑兄通中禮部乙榜卒京師時達年四十
父母皆在力請終養歸辛亥冢宰孫丕揚疏薦起尚寶

贛州府志

卷三十

仕績

二十四

司少卿辭戊午冢宰鄭三錫繼薦以老疾固辭天啓壬
戌起尚寶司正卿堅卧不起冢宰趙南星覆奏曰盧達
當引年之候堅易退之操雖望重人倫衆期利見而心
存泌水無取虛拘請遂高致加陞太常寺少卿致仕年
九十有三官於朝者六年家食五十三年以清德聞天
下達在吏科有重綸音酌叙遷廣欽恤疏貢途發回操
馬免征三省諸疏而建國本安皇后疏言之尤切時科
臣姜應麟亦上疏予杖達疏獨不下明日再抗疏又不
報蓋上欲特全達也

魏集 赫子

邱一鵬字搏南寧都人萬歷丙子鄉舉己丑授樂昌令縣
有鹽稅故事官入其羨及商贄千金一鵬悉屏除勒於

碑禁官司往來罷戶役以在官民壯給徭使奸吏有不便令者欲以竒中令乃進一山石爲銅盤盛之漆其外加畫焉置之階旁久之漆剝落乃金也呼吏還之甲午遷惠州防海同知戊戌寇起海上有柘林兵者在調中素桀驚得檄曰邱公師律不可違也遂皆集擊斬寇數千有閩賈五十二人爲邏卒所獲軍將爲生獲功一鵬鞫知其誤釋之濬河源縣濠憇巖下河源人名其巖曰邱公蔣乙子爲兄後久之乙無子復與甲婦爭子一鵬令嫂叔各爲子娶婦婦生子各爲其孫其判事得情類如此以平寇功遷湖北按察司僉事未赴卒祀惠州名宦

參舊志

贛州府志

卷三十

仕績

二十五

楊以傑瑞金人萬歷戊子鄉舉初知安化舉卓異陞貴州都勻知府值苗仲作亂以傑佐督撫討之斬九千餘級築京觀勒記於衢招撫竄亡復業二萬餘民立廟祀之乞休論功以副使缺起用不赴辛未廣寇鍾三舍起以傑率邑人增高城梁置守具城賴以完

舊志

謝元賀瑞金人萬歷戊子鄉舉知永定縣邑治初設俗悍民頑元賀精敏振刷百度釐然昭雪盧生十年之冤陞禹州知州裁去門稅甦驛站之困減長差之苦遷岳陽

尋卒祀永定名宦

舊志

謝于教字覺甫寧都人萬歷戊子鄉舉歷官滁州知州崔呈秀巡按南京使人引教附已教曰吾不能附闖黨求

榮呈秀怒思有以中之終無可議鄰境白蓮教作亂造符卯從者日衆教增城堡治樓櫓禦之事載從信錄志舊謝子詔寧都人萬歷甲午鄉舉授四會令遇水災請蠲積逋七千餘兩更捐俸築堤以捍後患修理學宮士民建生祠累官衛輝知府舊志

曾大器字宣字寧都人萬歷庚子鄉舉知宣平縣捐俸市穀賑饑邑產莪梨最著上官徵求苦民大器令盡伐其樹建橋以免溺患名曰利津創尊經閣藏書招致學者舊傳縣官忌登公座虎輒入城故前令皆側席大器至獨正坐廳事虎亦不入陞兵部職方司主事祀宣平名宦舊志

贛州府志

卷三十

仕績

二十六

溫國竒字仲庸寧都人萬歷丙辰進士授惠州推官屬邑赴愬者設炊竈於署門立爲判決陞陝西道御史首疏劾魏忠賢凡十三人皆落職崇正改元奉勅巡按應安徽寧諸郡累官四川清軍驛傳道予告歸時閩寇披猖四鄉避亂者爭擁入保城城小湫隘疾疫大興國竒捐千金倡建新城請贛撫潘曾紘乞題從之自是東北郊關樓櫓相望屹然稱雄舊志

陳師仲字天常石城人萬歷九年以選貢知武義縣縣多豪家師仲訪呂成公墓墓據於豪而不得尋雷震豪墓出呂碑師仲懲豪修呂墓諸生王世名手刃父讐而歸死師仲曰孝子也不可令對獄卒別館之上其事大僚

褒師仲謂其知風教之道在任五年雪死犯徐順何達
之寃舊志

曾就義字赤生寧都人天啟乙丑進士知溧水縣境內苦
水災捐俸建三圩民利賴之諸生陳文海遭誣陷且十
年爲叩巡方出其獄丁內艱補唐縣舉卓異上御平臺
考選親策之問兵餉國用就義對稱旨授翰林編修居
史館告病上御經筵召就義令肩輿進講上凭几注聽
久之嘗以其名覆金甌者三以疾卒於官舊志

曾應遴字無擇寧都人崇正甲戌進士授刑部主事轉職
方員外改兵科給事中奉命出督江西廣東兵餉逾年
復命爲刑科未幾轉兵科都給事癸未春流寇李自成

贛州府志

卷三十

仕績

二十七

張獻忠連破荆襄湖陝應遴上防寇三大着一曰大江
上流一曰九江一曰皖城皆留都藩屏已而承天破應
遴議守武漢且曰先責左良玉勦蕩獻忠而江督呂大
器度稍褊急恐不能用良玉又曰臣料賊多秦人其鷲
伏不即窺鳳淮者欲乘孫傳庭出關然後竄入計楚入
秦西由襄走鄖達漢興西北由鄧浙達商雒皆有阨防
其北由南陽達潼關爲賊進路即傳庭出路矣傳庭必
當持重譬之奕者傳庭與闖賊姑成持局而伺隙以圖
獻忠一切勝則持自解矣後傳庭竟與賊戰敗於塚頭
自成遂入潼關獻忠亦破漢陽武昌而良玉終不爲大
器用皆如應遴言應遴因召對請開鎮要地曰今要地

首在淮揚急在朝蒲中則青兗而賊竟由朝蒲達京
陷焉先是蘇州告急范志完督師復以趙光抃代之志
完者首輔周延儒私人也應遴直指其奸上欲誅志完
延儒固欲爲志完地不能得并中光抃應遴爭之甚力
延儒遂因此得罪光抃之敗於密雲也由蔣拱宸促之
戰應遴劾拱宸拱宸復以他事中應遴應遴外調家居
聞賊已陷京師募兵討賊金陵用事者齟之應遴不得
已釋去明年招降閩總寇兵圖贛州值萬元吉等敗衆
遂散去未幾病卒

仕績下

職分有定則仕績限於所守遭際隆平又不能著赫

贛州府志

卷三十

仕績

二十八

赫之名然其人皆賢豪者流故舊志錄之今亦不可
廢也彙得六十餘人并附見十餘人以示一長不忍
沒之微意

宋 朱 申 鍾 岳 曾 集 嚴 宗 陳 鳳

明 凌 吉 唐 均 弼 趙 志 剛 賴 福 清 胡 璉

蒙 遜 劉 稷 喻 良 熙 余 寬 劉 時 省

曹 明 劉 廣 鍾 胄 李 廸 袁 慶 雲

賴 瓊 許 廷 用 謝 嘉 王 挺 陳 琮

李 朝 胡 濟 李 揆 王 誦 江 潮

呂 臺 喻 尚 忠 蕭 鶴 齡 劉 壽 仁 宋 應 奎

謝 國 命 胡 咸 寧 歐 陽 暎 謝 宗 文 謝 堅

曾維勤 劉得由 歐舜雍 李良佐 廖睿
蕭德宗 鍾應問 呂元薦 沈科 賴明揚
鍾澄 繆正仕 王貴卿 劉思騰 賴永正
歐子哲 謝元輔 鍾鳴亨 李應泰 俞樅
易世璧
國朝唐開杰 舒以綸 葛應鼎 李得魁 沈懋賡
周之鼎 謝越 鍾正瑤

宋

朱申字維宣雩都人皇祐間有聲太學尤喜談兵以憂歸
創青雲閣讀書其間已而居京師十餘年偃蹇不遇桂
帥憐其才用邊勞奏補攝尉龍平期年而罷著邊防兵

贛州府志

卷三十

仕績

二十九

論百餘篇

謝志

鍾岳字堯俞雩都人政和八年進士爲太學彙征齋長秦
檜惡之出爲桂陽令任滿不赴調編草爲廬以蔽風雨
客至或不能具飯蕭然也編修唐稷嘗曰只今文行似
此翁者絕少廬陵周必大兄弟俱從遊焉周後至丞相
當國岳未嘗一牘通之

謝志

曾集字致虛楸孫紹熙間知南康軍勤理庶務篤信仁賢
慕高安劉渙之爲人修其墓割公田以奉祀朱子稱其
爲政知所先後云

謝志

嚴宗字伯宗贛縣人寶慶丙戌進士紹定間爲上高主簿
秩滿受代漕臺以試官闕留宗校文寓蕭寺有富家子

以五十萬鬻舉者因寺僧以請宗召其人面叱之曰三
歲大比公卿大夫繇此途出汝乃欲以賄得之乎即日
白漕司迴避人咸服其公廉謝志
陳鳳號芥軒贛縣人官朝奉郎監行在豐儲倉剛直有守
與趙東野齊名其子逢春亦能繼父志文天祥嘗作肖
軒說稱之

明

凌吉龍南人洪武七年以文學徵爲刑部司門郎中持法
明允獄無遁情已具成案即有力者弗能奪人咸服其
公平謝志

唐均弼字明輔安遠人洪武初以文行受知於學士宋濂

贛州府志

卷三十

仕績

三十

薦補本學教諭力行教化增闢學舍以居生徒士習爲
之一變以老謝事捐俸餘置義田以惠宗族邑令吳卜
相建祠專祀之謝志

趙志剛龍南人洪武初由文學爲監察御史者十八年嘉
言讜議朝廷重之謝志

賴福清龍南人由人材任直隸太平府知事折獄明允捐
俸救饑流寇至親當矢石敗走之自是寇不敢犯

胡璉字宗器安遠人後隸定南永樂間歲貢任廣西潯州
府經歷居官清慎常署邑象人不敢干以私陞全州知
州

蒙遜龍南人由歲貢任嘉興知縣先文教而後刑獄士民

咸服其德風俗遂爲一變

劉稷字宗周會昌人由歲貢知汀州訓導陞曹州學正貧生饋遺峻却弗受歸結詩社倡行家禮

張志

喻良熙字善甫會昌人永樂丁酉鄉舉初授雲南鶴慶府

教授俗尚椎魯生儒猶佩弓弩良熙力爲化誘文教漸

興陞清遠知縣復判鶴慶府事士民被其教化者欣然

稱慶

會昌志

余寬字仲仁贛縣人永樂庚子鄉舉初授浙江金華知縣

景泰初以才名復除福建沙縣時因鄧茂七之亂邑遭

屠燼寬至無屋可居日焦勞於荆棘中重建公署招集

流亡鎮守侍郎薛希璉一切倚賴之殫力經營閭井粗

贛州府志

卷三十

仕績

三十一

復舊觀遺民始得保聚竟以勞瘁卒官祀名宦

贛縣志

劉時省字日孜信豐人正統間歲貢授黃陂令後改樂清

俱有清操每出郊見枯骨即瘞之民頌以詩曰頻埋白

骨能捐俸賸餽黃金不動心

謝志

曹明字文輝信豐人景泰丙子鄉舉通判衢州清操絕俗

嘗督京儲例金一無所受未幾引疾致仕

謝志

鍾胄字士魁興國人景泰丙子鄉舉知山東濱州饒有幹

局操持甚峻以憂歸囊無餘積補知沅州卒

謝志

劉廣字若深興國人景泰間以歲貢授內邱知縣改陽山

邑無城峒寇時擾廣拓地量工版築具舉雉堞巍然地

方賴以保障都御史葉盛上最未及用而卒

謝志

李迪字循道興國人景泰天順間以鄉貢知開州修葺城池增廣學基二百畝賑救饑荒招撫流徙州人勒石紀

績謝志

袁慶雲字德享端子博洽端凝有父風宏治間任上杭訓導日進諸生講明正學都御史韓邦問至慶雲陳利弊六事以親老乞歸揣色聽聲未嘗跬步離左右親沒哀毀遂以疾卒零都志

賴瓊龍南人由歲貢任獲嘉知縣值歲饑寇至瓊綏靖有方民忘其困二年告休囊不儲金龍南志

許廷用字必輔信豐人宏治九年歲貢授漳州府推官以清慎勤三字揭之座右尋歸斲桂樹而亭之目觴咏其

贛州府志

卷三十

仕績

三十二

中漳守陳高梧與同官後巡撫江西數迎致之不赴年九十六終信豐志

謝嘉字立齋會昌人宏治間歲貢授全椒知縣性簡樸少時強記過人居官以剛介忤時而歸優游莊居詩酒自娛有晉栗里之風會昌志

王挺龍南人宏治間以歲貢爲崇善令縣係改土爲流民頑俗鄙挺至毀淫祠興社學鋤強扶弱化導頑梗甫期年卒官謝志

陳琮龍南人宏治十四年以歲貢任泉州知事郡守高其品行政事多就訪焉琮知無不言民戴其德張志

李朝字廷臣興國人宏治丙辰歲貢爲湘鄉丞縣督賊有

常例一年貲可致富却不取攝安化辨侵帑之獄人稱其明

謝志

胡濟字汝舟興國人宏治庚申由貢入監授澧州同知改壽州以清謹爲僚友敬憚歲饑嘗出俸飼饑民秩滿告

歸壽九十餘

興國志

李揆字文教興國人正德戊寅歲貢授齊東知縣邑中科第久缺爲修學宮卜地移之越二年第者三人補二水興寧所至皆有德政

張志

王誦字均文興國人嘉靖壬辰選貢歷任蘄州同知東平知州鄖陽行都司經歷以綜理大和山功加五品服俸江潮字道充信豐人嘉靖甲午鄉舉初任長沙府推官操

贛州府志

卷三十

仕績

三十三

持清潔後補桂林歷任九年轉德府審理引疾歸家徒壁立卒年九十八

謝志

呂臺字子瞻興國人嘉靖乙丑歲貢授温州府判永嘉令伍某人誣以墨直指按部逮之臺曰彼少年甫第寧應有此廉鞫果誣後伍竟得顯仕

興國縣志

喻尚忠字一山會昌人嘉靖間歲貢授廣西太平推官以內憂去任尋補思州陞雲南和曲知州再陞大理同知敷歷數郡綽有政聲進階朝議大夫歸隱二十年杜門著述不涉外事

會昌志

蕭鶴齡字彭年會昌人十歲能詩嘉靖間以選貢授廣西興業知縣邑近苗峒鶴齡恩威兼施皆慴服調北流今

俗以子質錢三年即不還鶴齡捐俸代贖者數百家并革其俗陞鬱林州守辭歸築一小室環植梅花別號梅塢居士二子璋琇俱有時名

會昌志

劉壽仁安遠人後隸長寧隆慶間以歲貢授黃梅縣司訓辭還值縣治初建百凡區畫裨助爲多縣志皆出其手爲人剛介不苟徇俗鄉閭推重之

謝志

宋應奎字五東雩都人隆慶丁卯歲貢任上虞訓導新興教諭本躬廸士振興古學經其教育者多知名陞署博

羅知縣以儒術飾治有惠政

參縣志

謝國命字明麓會昌人隆萬間與泰和郭子章爲莫逆交後以明經判杭州解糧北直數四上官以爲能適子章

贛州府志

卷三十

仕績

三十四

巡按至杭欲薦之國命謝曰我知故人故人不知我也子章益重之爲文以贈其歸

謝志

胡咸寧字惟謙興國人萬歷乙亥歲貢選丞長洲清操刻勵政府有止飲吳江水之褒以最遷慈利縣海瑞嘗貽書云吾友居官如此真能不負所學矣

謝志

歐陽暎興國人萬歷丁丑選貢任安慶府判爲政清敏不務苛刻郡有歐青天之語

舊志

謝宗文興國人萬歷壬辰選貢爲崇德縣丞以廉平稱浙士贈其行有一官清擬浯溪水半畝歸鋤古澗雲之句

張志

謝堅字元石信豐人萬歷甲午鄉舉知台州太平縣以廉

能擢知湖廣德安府未任卒家居嘗立崇正書院汲引後進古文深嗜昌黎志信豐

曾維勤號武源龍南人父乾遇流寇至有捍圉功維勤萬歷丁酉歲貢授太和教諭歷南雍典簿晉廣西義寧令罷茶役增廩額期月而俗大治禮讓風行民耻爭訟祀

義寧名宦志龍南

劉得由字汝及興國人萬歷丁酉歲貢任歙縣丞修西橋成適縣水災府委收殮漂溺者多捐資給棺賑其貧乏

志舊

歐舜雍字梅泉會昌人萬歷間任如臯教諭性剛介邑有不便於民者抗論不阿致仕歸倡建步雲橋鬻產以竣

贛州府志

卷三十

仕績

三十五

厥功邑侯冒夢齡即其任如臯所拔士每過存問北面

禮之志舊

李良佐字用齋會昌人與弟良相俱有文名萬歷間由歲貢爲歸善縣丞綽有惠政時多草竊勤心防禦報最陞

知縣志舊

廖睿龍南人萬歷間以歲貢授延津訓導訓士一以矩度學校廢墜倡率修舉乞休家居延津人存問不絕志龍南

蕭德宗魁仲子興國縣諸生萬歷丙午貢丁巳授橫州判官署州篆捐俸賑饑施藥改修學宮聘經師教士興國

志

鍾應問字我叩龍南人萬歷乙卯鄉舉時值九連山寇劫

掠應聞統兵捕勦蕩洗巢穴任湖廣荊州司李廉介清明執法平允卒於任惠藩賜祭櫬歸直指徐養心爲修

其瑩

龍南志

呂元薦字海嶽興國人由吏目陞經歷吏事精敏萬歷四

十七年遷恩樂知縣

國參志興

沈科會昌人由歲貢授歸善主簿陞錢塘丞所至以賢能稱秩滿告歸年九十猶能篆書邑令每過其廬扶筇出迎餉以鷄黍語不及私

賴明揚龍南人後隸定南泰昌元年貢任北城兵馬司副指揮魏忠賢逆燄方熾明揚心不平乙丑丙寅間諸正人羅織下獄者明揚於其家人子弟多方周卹或先事

贛州府志

卷三十

仕績

三十六

通問縱之逸去幾得罪璫敗乃免後陞慶陽府同知

南定

縣志

鍾澄定南人任清河管糧主簿設法催徵撫集流移人頌

異政陞海陽知縣

同上

繆正仕定南人任常州府通判陞欽州牧廉明公正居鄉

亦有聲

張志

王貴卿字宸寰天啟甲子歲貢任泰寧教諭撫按有文行兼優之薦雅尚恬淡秩滿辭歸孫思軾遂以仕顯

劉思騰字搏南贛縣人天啟甲子鄉舉崇正末授廬江令時闖賊猖獗陷數省偪近廬江思騰戎服登陴率衆晝夜防禦又值歲饑移庫鏹命義官至贛雜米以濟廬民

是時郡八屬殘破者七而廬江一隅獨完贛縣志

賴永正贛縣人天啟間歲貢歷知臨水臨高歸化為政平

易宜民清革錢糧貼解利弊民甚德之謝志

歐子哲字滌元會昌人天啟間歲貢任武昌通判陞定番

知州襟期曠逸人稱為風流別駕代漢陽武昌兩篆會

校士所首拔者俱先後騰達會昌令余開熙亦其入彀

士也有捍湘紀八景題咏存稿舊志

謝元輔字玉鉉會昌人天啟間歲貢任東莞簿廉平多惠

政陞經歷告歸邑大夫舉賓席者九

鍾鳴亨興國人盤裔孫任四川都司經歷署丹稜縣事發

倉賑饑作興學校修舉廢墜以例授趙府長史侍講幼

贛州府志 卷三十 仕績 三十七

主剔蠹防奸兩臺交薦進四品服俸

李應奉字岱松會昌人性敏慧有智略由禮部儒士授直

隸左軍衛經歷尋陞邛州判官以督採運功疊膺薦獎

將擢以不次力求歸養舊志

俞樞字學海信豐人少孤博通經史崇正元年歲貢授華

州州判時兵興旁午樞督運軍儲潼關道嘉其清慎再

薦於朝以母老不就張志

易世璧字崑良雩都人崇正戊辰恩貢除溧陽丞陞知碭

山縣時徐豫寇侵洊臻河決淮洪間御史吳邦臣以悞

漕奏錦衣逮治漕撫史可法疏救世璧從獄中上疏自

明得旨復職丁憂歸築室東臯濬池種樹以休其老

國朝

唐開杰字子延安遠諸生順治元年以開贛功授本郡通判招撫餘寇捐資賑濟收殮積尸歸諸難婦寇攻本邑請兵援之運餉不匱改授廣東和平令

安遠志

舒以綸字理莊贛縣人順治間歲貢任萬年訓導性嚴謹不事浮飾諸生斂容敬謁佟撫國楨薦之朝未用而卒

舊志

葛應鼎字簡臣世襲衛千戶遂籍會昌康熙元年恩貢任

山西洪洞縣丞邑頗富饒紳耆餽節應鼎悉却之

會昌志

李得魁字星伯會昌人康熙元年歲貢初授萍鄉訓導遷吉永教諭性清介課諸生遵朱子白鹿洞規每年俸薪

贛州府志

卷三十

仕績

三十八

之外一切不受年七十歸祀吉水名宦

會昌志

沈懋賡字起虞會昌人歷任饒州府教授規矧嚴肅遷蘇州嘉定縣丞潔己愛民惠政尤多時陸龍其為令相得最歡與講明性命之旨康熙丙辰辭歸

周之鼎字友夏信豐人幼有文譽邑令竹菴漪嘗延為諸子師鼎在署惟以課業講習為務絕口不言公事菴漪益重其品康熙二十年歲貢廷試授教職歸而鍵戶著

書有詩文集四卷

信豐志

謝越信豐人康熙乙酉鄉舉任廬陵教諭訓飭生童立品談藝以清正為的復白鷺書院被侵田租家居以己田分授二弟另置田贍子弟膏火

張志

鍾正瑤字自西贛縣人例貢由河工効用期滿授衢州府通判遇事強幹上游才之多所委任雍正十一年浙大饑請檄回江省採買米五千石設法運濟經理有方饑民賴以全活以功議叙卒於官

縣志贛

論曰古南康郡一才數也東西晉南北朝之間才人赴功名之會類由軍旅戎行唐後乃以文職通籍樹勲猷於竹帛者不乏也而宋明爲尤盛顧曾氏則自他有耀鍾氏李氏則維桑垂光若明之袁李甘謝本經術以爲潤飾何其偉歟子夏論仕學必兩優仕與學二而一者也而體用分焉士或有體而無用或有

贛州府志

卷三十

附仕績

三十九

於用此掄才者之所慎也彼秉節持憲轉不務赫赫之名及治小邑僻州竟然出類傳異政以垂不朽所謂搏虎搏兒皆用全力一視乎其才守猷為之所自見而已又有已仕而不僅以績重者則於忠節儒林文苑之間各從其類不可以叅觀而互見哉

寧都三州縣

附

宋 賴夢雷 孫登龍

明 湯 衡 胡 莊 胡克和 湯 拱 溫 卓

劉 賢 黃 質 蘇子奇 謝乾道 蘓大成

鍾 謨 吳天德 羅儒珍 羅念祖 許宗慶

謝長達 陳即登 楊應元 曾敬中 廖應兆

曾應徵 楊 煥 彭 佺

國朝曾士贊 曾 愈

宋

賴夢雷瑞金人嘉定辛未進士累官監察御史以骨鯁著聲歸休田里

孫登龍字壽甫寧都人咸淳丁卯舉省試元至元丙戌被薦歷南安學正慶遠南丹溪峒安撫司教大德乙巳遷歸仁州同知卒以仲子輔臣貴贈樂安郡侯時州長以登龍附祀四賢祠

明

湯衡瑞金人永樂中由貢知休寧復知昌化時撫黎土官

贛州府志

卷三十

附仕績

四十

桀驚與縣官抗深爲民害衡奏革土官黎人仍統於州縣自後地方乃安 謝志

胡莊字子敬石城人正統間以貢授潯州推官威信素著

大藤蠻奪去巡檢司印莊往撫諭即送還叅將范某被

誣力為辨釋范懷金致謝卻之乞歸人感其德 謝志

胡克和字節之寧都人年二十六始攻舉子業成化甲午

領鄉薦知松溪政不苛細奸宄斂迹嘗遊羅倫之門倫

稱其孝行純至 謝志

湯拱字世極瑞金人嘉靖辛卯選貢授太倉州同知陞成都府通判以征番督餉功陞俸一級丁內艱復補衢州攝常山歲旱禱雨即應民有六月甘霖回赤土萬家香

火拜清官之謠陞達州知州利弊興革不遺餘力乞休歸太倉衢州皆祀名宦

謝志

溫卓字時仰石城人嘉靖間選貢授四川馬湖府推官歷署州縣及奉委勘蠻採木并查盤各府不受一錢鑿險路以便往來築石渠以滋溉灌歸田後饗殮不給嘗為流寇掠去問知其姓名曰清官也竟釋之

謝志

劉賢字汝希寧都人嘉靖乙酉舉於鄉任桂陽州學政轉南京國子出為福州府通判每以詩文自娛暇則偕同志講學於勝地解組歸杜門簡出不聞外事唯以觴詠自樂而已

謝志

黃質字月山石城人以太學生授南直泰州同知時遭歲

贛州府志

卷三十

附仕績

四十一

凶恣以月俸濟民調停濟荒之策民得全活海倭蹂躪廣陵中丞唐順之檄質督戰質躬冒矢石率水師與拒致疾歸年八十餘卒

蘇子奇字舜錫寧都人嘉靖間遊太學授邵陽丞以廉能檄署邵陽新寧寧鄉湘鄉來陽諸縣篆所至人皆頌之西遊洞寇作亂奇督兵討平之擢桂陽州同知子大用以貢授英德令有政聲辭歸養親

謝乾道瑞金人嘉靖中以明經任思恩知縣思恩荒徼獠獐雜處乾道至興學校明教化不一年風俗丕變疏通水利旱患頓除至今民食其利有權要授意置怨家於法乾道忤其意竟去官祀思恩名宦

蘇大成字汝願寧都人子竒仲子隆慶元年鄉舉授遠安令時遇凶年兼有大木之役設法賑濟區畫採辦事卒以濟委攝松滋百姓安其教最聞陞刑部郎出為韶州

知府

謝志

鍾譔字近修瑞金人隆慶間由選貢司訓南康為郡守所重署主白鹿洞教事轉永安學諭入為國子學錄滿考陞武昌通判職主餉卻例金改吉府長史尋奔父喪服除不起

謝志

吳天德字體恒寧都人隆慶庚午鄉舉授桐城縣教諭歷官刑部郎中識吳應賓於諸生中分校中州舉劉芳譽為榜首在刑部每多平反奉旨覈趙奉事白其冤狀擢

贛州府志

卷三十

附仕績

四十二

南雄守卒

羅儒珍字聘吾寧都人萬歷中以選貢授泗州判官時值旱蝗餓殍蔽野力請發倉廩設饘粥賑飢管鹽政奸商冒禁儒珍一繩以法遷湖廣靖州同知累官廣東鹽法司正提舉解組歸

羅祖念字子介寧都人博學善文嘗讓貢於老友學使者歎美之後司訓吉安歷都昌教諭象州學正所至有聲視篆武宣有劇賊久為民患祖念計擒之按如法

許宗慶瑞金人萬歷中由選貢知廣西武宣縣時龍山馬漏二盜藪屢肆劫掠宗慶單騎入巢諭之盜遂歸附又增營堡息虎患莅官五載而歸

謝長達瑞金人萬歷間歲貢授河南獲嘉令莅任即新學
宮朔望集諸生課文講學蠲逋租以蘇民困祀名宦
陳即登字太摩石城人爲陽江令時黎裔自相鬪大吏欲
乘機伐之即登堅不奉檄大吏怒左遷廣西按察司照
磨
楊應元字蒼衢寧都人萬歷間以恩貢授福寧州同知閱
獄囚數十人皆逋賦無以應久繫待死應元惻然捐俸
爲之償盡釋之

曾敬中字能立寧都人萬歷間選貢知建德縣清介自持
修舊堰七十餘處民不苦旱居家雍肅自其父而上五
世皆設田以贍祀事謝詔稱爲有魯恭篤行萬石家風

贛州府志

卷三十

附仕績

四十三

廖應兆字聖符石城人萬歷癸卯鄉舉判南直太平府歷
署廣德諸州邑復司漕造舟皆有賢能聲陞遼州知州
親老乞終養歸鼎革後死於兵

曾應徵字履旋寧都人天啟乙丑歲貢授廣東肇慶府訓
導捐俸修文廟訓士有方遷河源教諭移疾歸承父元
勲助租贍學祀肇慶名宦

楊煥字漢章寧都人崇正間以貢授湖廣竹山令時中原
寇熾邑當秦楚之衝軍務旁午煥一意撫摩每言無民
何以禦寇寇至民感其德爲之戰守常修孔陽橋築上
庸堤以便民去之日民紀其績於石祀名宦

彭佺字衷白寧都人崇正丙子由選貢授廣東陽山訓導

捐俸贈士之貧者陽山為刻懷師記遷廣西永福令修
備築城興學勸士人懷其德

國朝

曾士贊字澹元寧都人順治間歲貢司教玉山立啟聖祠
闢尊經閣置木豆錫爵享祀肅潔學舍花竹陰森圖史
滿座士風丕變見玉山縣志

曾愈字遜韓寧都人康熙癸卯鄉舉授東鄉教諭先為諸
生時有無辜被誣者罪當死愈白其事出之其人貧甚
欲賣妻以酬愈固却之東鄉學廡邱墟愈捐俸剏造煥
然一新邑南城門形家謂不利學宮愈倡改建是秋捷
者四人卒年八十二

贛州府志

卷三十

附仕績

四十四

贛州府志卷三十